



老稼齋集
天

~ 18
2452
1



2428
13
18
2452
1

老稼高集序



我 高王考兄弟六
人 遺集之已行世者
五 高王考曰夢窩
次 曰農巖次曰三淵

皆 先生兄也次曰
圖陰次曰澤高皆
先生弟也獨 先生
老稱集未及行學者
病之三從妹致仕公

先生曾孫也嘗以族
曾祖茅洲公所刊定
先生詩五卷剖劔于
關東未幾南庚辛之
際公風波憂畏遂不

克竣事印本之堆笥
篋者殆二十年庶辰
歲首祖淳拜先生
廟及像亟請布集於
公公仍命祖淳弁卷

祖淳逡巡不敢終辭
也嗚呼先生志東
之逸民也身不離畝
畝之中行不出州里
之外宜若無可見於

世然者 先生之居
松濤也人之視之若
淵明之處紫素堯夫
之寓東洛上而薦紳
學士之所景仰下而

牧豎芸夫之所稱道
至于今百年如一日
豈其無然而致之哉
先生天姿高敏識解
絕倫於儒者事靡不

精通故家庭之嚴如
文忠公而常歎其才
同氣之賢如夢農淵
圃諸公而自謂不可
及一時名公碩士多

知其蘊者又莫不以
王佐相推譬則如龍
泉之寶不出匣而光
氣之潛迸者已干斗
牛此先生之所以

老莊齋集
五
為先生而窮達不
得以限之者也惕隆
盛悼閔凶廢舉務農
沒身自靖者淵明之
悟性知來寄情松菊

也貞不絕俗和不同
流安時而處順者堯
夫之觀物翫化閑中
今古也豈先生之
性夙有慕於淵明堯

夫者耶將先生之
 時與淵明堯夫有相
 似者耶嗚呼先生
 甚真逸民也先生
 平日存其詩不存其

又故今集寔遵略若
 可憾然讀之者即其
 詩味其旨其於知
 先生之為先生固
 有餘裕而從此高

王考六昆弟之集可
以並傳於天壤之間
吾家之文獻大備矣
豈少幸也哉至夫品
藻待道小子不惟不

敢茅洲公之跋實取
諸農淵二祖定論而
又敢贅為

上之二十年庚辰三
月從玄孫祖溥敬撰

新年曲 三首 壬戌

踏橋曲 三首

楓溪示士興

贈成琬日本之行

泛東湖示東遊

七月和叔氏聞簫

斗險川途中

豐田留別叔氏

生昌驛

上嶺酌酒

叢石 三首

泛鶴浦 二首

登路驛

向鉢淵

摩阿衍

普德窟

般庵

現佛庵無僧

百川洞 自太子城下至現佛庵遂沿流下百川洞

豐田會叔氏

歸飲楓溪

又飲楓溪 二首

病中追和諸友見訪玉洞不遇見寄之作 癸亥

記三月初七日曉夢

春日感懷

夏歌 三首

大隱巖遇琴歌 二首

癸亥閏月二十六日與仲平族姪士敬出遊曹

溪潄雨新收山水如洗遂浮瓜命酌歌笛相

和極暮乃還其樂無有趙定而正萬李尚卿

聖佐 先有約皆托故不從 三首

和叔氏夜歸聽我彈琴之作

送洪兄施叔澤普之洪川任所

初九夜寫哀 甲子

元夕

燈夕 時當國哀
停放燈

東庄夕興

出城

冒雨向楊山路中遇酒立馬少飲

搃戎使金錫翼夜見訪于東庄痛飲

送古劍洛誦樓 乙丑

寄定而證杏洲之約

玉洞同敬明賦 第昌緝
二首

憶叔氏楓嶽之遊

歸自果川泛舟銅雀乘漲至別管

挽鄭友三之 台一
三首

次唐人秦時明月漢時關韻送別仲氏北幕之

行

玉洞夜坐感懷 丙寅

玉洞同諸人賦韻

歲暮述懷十四韻上叔氏

士興兄弟夜過 丁卯

次仲氏觀漲韻

食鱸魚膾

楓溪送別士興

楓溪夜遲士敬

夜集洗心臺賦得湖石別仲氏之清風

送仲氏之清風任

過楓溪遇城東諸友留飲

重陽後諸友見訪 戊辰

士敬乘月見訪示以詠早梅兩絕去後數日雪
月益皎如此中梅花亦已發矣遂賦二絕追
記前事且報梅發又詠新得水仙花一絕并
寄求和 三首

贈士敬湖中之行

臘月十六夜盆梅一朵先開喜賦一律

別仲氏還任清風

折玉洞紅梅挿瓶志感上仲氏 已巳

畫鳴兒扇仍題其上 辛未

看田到消夏灣

仙遊潭

暮向薪坡 二首

宿薪坡

曉行

朝過崦岨

馬上載盆梅

留別盆竹

曉發雙谷

悼松 三首

九月二十八日 二首

麥巖即事

歇庵獨吟

十月初二日山雪皎然若疊素累玉夕照尤奇

絕少女勸余賦詩輒成一絕因思唐人地疑

明月夜山似白雲朝之語尤服其妙

梁上燕有空巢雀來居之感而有賦

道中望懸燈山

朝飯崦峴

豐壤途中遇微雪天寒馬遲

新基望國望

歇庵次唐人韻二首

冬至

夜宿白蓮堂

遊白蓮潭

初七夜

下山二首

自白雲歸宿歇庵

追記山中事呈仲氏三首

宿白月亭子文江亭

光陵途中遇公子遊獵壬申

揚根白鵝津

歸永平途中

留木食谷遇苦暑少步籬外

次日又步籬外納涼

呼韻與利兒同賦

登泠泠亭俯瞰釣臺

秋水

度蜂窠嶺

谷雲七曲明月溪

河嶺

賞雪二首

挽汝楫妹婿李涉二首

不寐

自遣

自成陵往木洞出洞口阻漲少憇溪邊癸酉

往東庄見兒病冒雨歸成陵

自成陵聞兒病冒雨向東庄記行計二

東庄感懷二首

獨卧

送堂兄赴金化二首甲戌

子姪輩與趙節文命遊水聲洞各賦絕句歸而
見示遂次其韻前此獨遊感懷情見于辭二首

乙亥

丙子夏病中感懷口占

丁丑春病起二首

共叔氏遊曹溪

次伯父寓粟北墓齋寄示韻戊寅

閏月初六日夜坐巳卯

午寢二首

種蔬

卽事二首

偶吟

夕望

野望

月串

贈金顯甫克光庚辰

葱秀山

次叔氏韻喜士敬來過辛巳

士敬又至留詩遂次其韻

次鄰老韻

老稼齋集
士敬將赴鴻山就別壺洞寓所

老稼齋集卷之一目錄

老稼齋集卷之一

詩

自東州歸漢京 戊午

峽裏冰霜暗村邊蠟炬明行人起視夜兄弟坐含情
星漢闌干去驪駒躑躅鳴誰知信宿地惡作故園行

東州敬次家親韻

磊落東州府行觀我所居悲風來曠野喬木問誰墟
樹國弓王遠遺祠烈士虛男兒壯志氣不必在詩書

送金而顯 遇華 歸覲樂安

之子北風涼江南歸路長幽禽初出谷候鴈且隨陽

冒雪簷簷直深山橘柚香殷勤枝與實歲暮莫相忘

盛月

盛月人皆仰高高在太清光應四海遍影或九州成
磊落羣星濶逶迤一水明片雲天畔綴夜久恐縱橫

贈士敬

族姪

歸茅島無示士興

族姪時

未

彼茁者茅生彼海中彼兄弟士曰遷于京乃遷乃行
匪東匪西自北徂南入宅于湖

入宅于湖兄弟是謀乃告厥親南遷是安詢于耆老
南遷是好乃卜乃筮南遷是吉伯也走馬先厥弟相
宅

迺相厥宅甫祖攸築翼翼其室仡仡其閣有覺其楹
臨海維訃休矣甫祖詒厥孫謀

詒厥孫謀既庶且有疆之理之其田百畝種之栽之
棗栗千樹紹哉後人克保南土

荒彼南土庶人所趨猗此京華哲人之居孔樂在京
祭祭車服非漁有魚非穡有食豈不懷京曰不敢康
南有潛魚爾徃籊之南有蓄畝爾徃柞之用羞爾親
式殫筋力洽爾墳麓莫不堪樂於皇甫祖介爾多福
次士敬還寄 庚申

山館黃花晚幽人信宿過月星秋氣迥鴻鴈夜飛多

有酒吾當潄舍杯爾且歌故園多樹木歸去意如何

中秋十七夜會諸友 辛酉

楓林遠客至何不夜歡娛月滿新蟾兔兄持舊榼壺
死喪經霰雪離別說江湖終讎不成醉秋庭露有無
二十一日再會

下弦月出東清宴不知終極飲從零露狂歌任出鐘
風淒蟲在壁雨歇菊垂叢寥落今秋意同君醉卧中

新年曲 壬戌

鷄鳴閭闔引千班銀燭徘徊雙闕間殿下一時稱萬
歲東方日出照南山

其二

駿馬金鞍橫路來長衢薄暮起黃埃問渠意氣何豪
舉七貴門前置刺迴

其三

長安俠少喜新年夜飲青樓不肯眠駿馬平明金市
去家家門巷畫神仙

踏橋曲

長安何喧喧今夜踏橋遊月出大道上歌吹自相求
其二

明月映何隈青樓夾廣川上有歌舞人下有踏橋人

其三

長安水東西明月光徘徊笙歌不相識齊向橋上來

楓溪示士興

冒雨來西嶮知君自遠歸入門瘦馬卧携手暮禽飛
蒲葉三池映桐花古樹輝此中幽興熟坐到禁鍾微

贈成琬日本之行

日本渺何處星槎泛向東平生稱渤海此去訪壺蓬
天地酣歌外波濤笑傲中牽牛猶可問禪海詎難通
錦纜扶桑夜雲帆赤岸風山川定鰲背民物自秦童
異境詩曾就奇觀夢正同文章徐子騁談論尉佗窮

夏捧金盤雪春開翡翠籠梅窓多映水蜃閣摠連空
獻扇千娥旋揮毫七步工俊才應試鏑豪氣况吹虹
倚瑟勞歌遠摻裾細雨濛行行慎坎巽歸楫趁春鴻

泛東湖示同遊

沙白維舟處風輕解纜初青山臨岸斷畫閣向江虛
盃漿邀吹笛回盃勸捕魚半酣西日暮歸路並蒼驢

七月和叔氏聞簫

高樓聞簫遠隱在西林發餘音悄已靜不待東山月

斗險川途中

極目秋郊迥驅車嶺路分山舍將墮日天綴未晴雲

野菊高低發沙雞遠近聞行行閱幽賞稍喜去人羣

豐田留別叔氏

立馬雨中別荒塗橫太華欲知相憶時弄月毘廬夜

生昌驛

野驛平臨水銀溪舊有名深深村柳種落落海松生
浣女沙邊語官人雨外行會心何必遠毋遽問前程

上嶺酌酒

嶺上倚秋石高歌酌酒壺通川入地底滄海接天衢
巨木千章輓枯魚百石輸熙熙皆爲利我馬又何瘖
叢石

初出嶺東路先登叢石亭東南何所見海水青冥冥

其二

清晨臨滄海使君來迎我雙艖搖雙楫遊戲叢石下

其三

人言叢石竒叢石信竒變縱橫千萬石一一皆六面

泛鶴浦

不去海中泛旋來湖上遊白白沙峰起青青鷁島浮
波深收錦纜風動並蘭舟橫笛無停曲遲看月暎洲

其二

泛浦凌三日臨臺笑侍中沙晴湖鳥白秋暖海棠紅

酒榼迎村老漁歌倚笛童更思遊國島落日問天風

登路驛

沙路寧辭遠秋花也復濃游人三日去疲騎一奴從
碧海行行見澄湖處處逢蓬山明可到馬首指蓮峯

向鉢洲

天外諸峰九井尊高城秋夜問真源回鞭笑指楓林
去是向蓬萊第一門

摩阿行

精舍隱中谷遊人謝俗緣幽窓披絳葉古砌俯清泉
暝翼時看鶴重峰並擬蓮寄眠雖此夜馳想已前年

桂冷微霜落松高缺月懸老僧渾不寐清曉起忝禪

普德窟

名區非一勢綺榭結無端獨柱金銅直籠崖鐵鎖完
似霞林外望疑蜃水邊看雲起纔當牖禽飛詎度欄
風來渾欲動人上凜生寒惴惴開窓小回回陟磴難
高低分離樹羅列集諸巒遊興誰能限秋光正未闌
終非羽衣客安得久盤桓

船庵

眾壑遍清絕茲谷信靈邃秀巒似留雪喬枯如擗翠
泠泠巖溜滴淺淺石瀨駛荒塗屢迷惑灌木恒森緻

振策躡先登蔭樾企後至魚貫緣絕壁猿掛窺無地
遊陟既告勞探眺彌恣意遙眈辨綺錯遠村俯基置
雲日翳崦嵫霜木耀崖寺沈吟悄欲下揮管發幽思

現佛庵無僧

八林殊未已蘭若隱中巒苔壁懸鐘少金龕坐佛端
峰藏十王秀水下百川寒了覺塵寰隔還疑歸路難

百川洞

自太子城下至現佛
菴遂沿流下百川洞

日歸未媿遲索異竅入深林端憇頽堞雲末瞻珍禽
崇嶺既陟降蕭寺遂俯臨離離披果蔓楚楚息松陰
荒塗踐白礫徑復緣崖澗憑輿順前泚回眄眷後岑

石鏡覽圓瑩地戶窺森沈明知轉下趨杳若復上尋
窈哉非人境聞焉渺鳥音跼蹐攬脩柯浩歌滌煩襟
忽忘造何地誰復喻斯心

豐田會叔氏

飄飄出峽第顛倒下山兒舊雨騎驢別今宵執燭迎
清詩誇鶴浦新畫指香城無賴南飛鴈噉噉半夜征
歸飲楓溪

東衙人初返西溪秋欲闌於焉追宿約那可闕斯歡
沼喜新魚躍楓憐老樹寒山家無種菊酌酒對青巒
又飲楓溪

屢卜楓林夜留連澗水濱古亭元倚柏新砌未栽筠
白酒謀東里黃花采北鄰笑歌騰暗谷履舄錯華茵

其二

水榭人皆醉秋天夜向晨嶺星踈耿耿池月動潏潏
白露生憑檻高風度側竹新詩未稱意殊覺負佳辰
病中追和諸友見訪玉洞不遇見寄之作

癸亥

卧病阻數旬愁悶難具論身將枕簟滯心對妻兒煩
良夜眇空谷圓景騰新軒曾是托栖遲能不重眷言
散帙尚堆案餘酒猶澹罇遂令二三子虛枉臨衡門
晨星竟踈澗春鳥徒飛翻雅論初未接綺篇幸相存

愬彼佳期愆感此故意敦扶杖願相從新煦待稍暄

記三月初七日曉夢

碧樹千重合朱門數處通湖平不見岸樓迥正含風
月映蕪葭外梅飄島嶼中還愁武陵路他日失西東

春日感懷

漢陽春遊盛何處南有蠶頭北春臺傾城士女祭春
服朝行出飲暮醉迴山花映面鼓闐闐眼省此事今
十年近聞禁酒贖百錢城裏花飛艷陽天

夏歌

移榻北窓下門前車馬稀彈琴復高卧火雲天際歸

其二

一鳩鳴上林清晨聞我堂睡罷還未起卧對東窓光

其三

開窓對古城長見一樹槐綠陰似車盖清風度城來

大隱巖遇琴歌

小集芳園內綺筵流水潯佳人競朱李歸馬歇青林
曉雨穠花盡清渠細柳深笙歌稍向夕藹藹洞門陰

其二

山閣重來晚情知好雨過新荷如許長佳客不期多
落日前溪舞輕風自苧歌自憐徑醉返留興滿巖阿

癸亥閏月二十六日與仲平族姪士敬出遊曹

溪潯雨新妝山水如洗遂浮瓜命酌歌笛相

和極暮乃還其樂無有趙定而正萬李尚卿

聖佐先有約皆托故不從

會心非云選出郭誠為難茲晨謝煩塵近牧展清觀
青松蔭連岡白沙沿脩灘蓮峰頗隱見秀色盈雲端
孤興已成歌芳壺初掛鞍超然空谷期詎同俗子歡

其二

飛閣千尋跨懸流一道來綠瓜潭自泛紅日笛還催
半壁留清樾中峰輾脫雷招提悔未宿愁思下暝埃

其三

稍下雲梯亂出迴山邊鞍馬斃徘徊青林盡處朱城
近橫吹透迤傍晚回

和叔氏夜歸聽我彈琴之作

寂寂衡門夕彈琴對北林誰知流水逕人聽隔窻音

送洪兄施叔澤普之洪川任所

峽裏洪川縣君今五馬行荒田在江上頂記小奴名

初九夜寫哀甲子

西山嘒彼星寂寂黃昏初回颺捲素雪微月光徐徐
含悽臨廣庭揮泣繞空廬俯仰事如昨寥廓歲已除

哀緒抽不盡遺躅攬有餘山齋掩素卷滄海損鳴驢
泠泠玉流于楓柳方扶踈一疋理莫返萬事今則虛
飄飄中夜魂忽忽安所如悔泣豈真喻莊生恐欺余

元夕

去年上元月滿空照我小弟西樓中樓中見月出門
去街無居人夜相從清歌連袂踏香塵遊戲歸來金
市東壚頭覓酒拂春楊可憐風流滿路傍此時此事
不忍憶今年今夕可斷腸重澤齋前雪悽然禁川橋
邊夜何長東方月高復西入誰見阿兄倚門泣

燈夕時當國哀
放燈

天時有一周不分人憂樂忽忽到今日云是張燈夕
舊時燈夕稱最歡我輩登高未寂寞且如兩年夜羣
會玉流閣兄飲弟歌兩不休樓下千燈萬燈赤于今
一城同蕭條杜門誰如我腸曲冥冥欲晚滿天雨重
澤齋前夏樹綠

東庄夕興

倚杖村南逕桑田綠且平雲峰回首隱野水近身清
學圃吾應老狂歌世素輕柳邊瓜地好早得故侯情

出城

出城何見華山秀表以三峰翠相似丹梯鐵鎖近青

天石村歸人仰垂淚白雲猶屯萬景臺青蘿應蔽重
興寺前秋壯遊不忍記少弟婉孌並我騎人生百年
有此樂繞山三日騰歌吹萬古千秋華山在吞聲躑
躅今何已

冒雨向楊山路中遇酒立馬少飲

酒吏忽逢汝 二陵風雨程衝泥白衣進卷葉翠杯
成眼纈金臺碧吟歸漢浦清路人皆顧我應怪接羅
傾

揔戎使金錫翼夜見訪于東庄痛飲

田家白酒也醺醺携客秋原興滿雲別有金羈乘月

返夜行非是故將軍

送古劍洛誦樓乙丑

日本古刀不知名十餘年前掛我壁魚鞘角鈎雜塵
埃鏃鏗蒼茫可三尺壯士臨軒誤一掣霜雪雷霆復
霹靂吾兄驚有此古刀匹馬復欲東遊遨洛誦樓下
春雪白昨日新淬鷓鴣膏雲林窈窕紫氣長虎豹寂
寞蒼山高周遊千里防君子嗟爾古刀非無試第也
伏枕徒鬱鬱一爲悲歌意未已

寄定而證杏洲之約

扁舟正好杏洲行江上春陰已快晴夜來枉恨花飄

盡不識龍山錦浪生

玉洞同敬明賦弟昌

春歸林氣變佳境恍仙居好鳥啼新樹清庭灌一渠
松烟凝翠閣巖雨潤丹書興適忘歸路山光正暖如

弄壘

晚興忘携酒高樓坐兀如洞門深白日雲水漾清渠
魚鳥聊憑几風花漫展書君詩看又就佳句更欺余
憶叔氏風嶽之遊

逆興蕩碧海蓬山在雲端蓬山一萬二千峰石梁雲
梯紛巖巒我聞兄遊在此間邈若青天不可攀只謂

猶卧太華室安知已到長安剝蠟屐飄飄絕世塵忽
如浮雲落溟渤鈴鈴金策去去香蘿真珠綠潭雨新
歇衆香秀色春若何日照水簾彩虹起雲捲瓊臺素
華多吾兄竒氣橫六合再見此山今復入行行盤石
坐復吟百鳥寥寥青楓陰摩阿衍百川洞何處遙聞
笙鶴音此時相憶但渺然興來一爲撫素琴撫素琴
望白雲白雲去時愁我心崑廬之峰若可登爲我試
訪題名巖

歸自果川泛舟銅雀乘漲至別營

君不見每年麥黃大水至江漢滔滔漲未已兩夜急

雨最滂沱平地忽有丈餘水冰湖以下白漫漫浩蕩
南北無涯岸我欲乘舟渡銅雀駐馬向北頗驚歎洪
濤粘天洩雲黑漁舟瞥眼歸帆匿此時魚龍倏變化
盤渦啟雷誰能測舟人篙師急周旋中流笑傲還洄
沿渚花沙草露梁迴放舟遂到龍山前龍山別營形
勝殊觀者稱似岳陽湖牙檣雜沓漕舩入錦石欹側
官樓孤伏檻飛窓江風長坐來呼酒三兩壺江湖詞
客醉嗷嘈把酒不飲非吾曹金盤綠瓜白雪鹽萬事
於我輕秋毫平生快意羨何物眼前鳧鴨凌波濤

挽鄭友三之台一

老穉齋集 十三
宇宙不羈士邦家可惜人論交羞挾貴遊藝竝超倫
厚壤捐息綬高樓有病親白門風雨曉誰料彼蒼旻

其二

人世唯今夜泉臺渺去程淒涼巨卿夢寂寞仲宣聲
隴月低千古城籌報五更送君從此返揮涕望飛旌

其三

葦屋瞻如昨秋風颯已涼塵拋迤客榻雨掩讀書房
赤驥嘶空櫪青梧出舊墻那堪醉後騎重過禁橋傍
次唐人秦時明月漢時關韻送別仲氏北幕之

行

共送征人遠出關此行怊悵幾時還坐間好月一罇
酒歸處愁雲六郡山

玉洞夜坐感懷 丙寅

林色紛紛暮池光寂寂深星搖半天雨雲宿數峰陰
汗漫文章願低昂劍俠心高樓意寥廓回首復沈吟

玉洞同諸人賦韻

玉洞青雲晚風亭碧樹清病夫携一興騷客到傾城
柳擁橋邊騎杯行水上楹新詩裁獨後吟和暮禽聲
歲暮述懷十四韻上叔氏

三十明年是中宵百慮殷偷歡遠秉燭失學嘅頽隳

柳肘俄觀化螢窓已倦勤沉沉遂至老落落竟無聞
時論疑涇渭人情闕雨雲鴻飛杳秋影龍蟄靜潭紋
病厭經春藥歸思負郭耘且甘驥伏櫪那有豹成文
新榭排山翠清園隔市氛閑居潘賦詠晚計陸金分
雪灑華軒暮燼紅美酒醺眼前聊兀兀身外信紛紛
放浪漁忘水優遊樗謝斤江湖春興近先報白鷗羣

士興兄弟夜過 丁卯

缺月浮雲映一川西林雨罷氣蒼然逢君萬事堪長
歎惟有清詩似昔年

次仲氏觀漲韻

愁鬱聊觀水前溪漲似涇濁清還一路涯涘未分形
夜決橋崩石晨漂井失甌迴波翻曲沼駭浪觸回汀
濫濫餘高樹團團只小庭風霆闔永日蟬竦亘危亭
恍惚中林暮空濛古壁青崩騰分遠矚澎湃殷餘聽
物理看推盪天機付杳冥大聲吹魍魎哀怪會神靈
過顙紛誰激襄陵浩莫停悠悠川上歎逝者達滄溟

食鱸魚膾

隱映冰盤見細鱗切來千縷皎於銀朱門坐飲江湖
味多恐秋風笑殺人

楓溪送別士興

行人已去衆蟬鳴日上虛亭綠樹平坐數茅山路長
短青天不盡火雲生

楓溪夜遲士敬

青林坐來暝獨自對蒼峰先君一片月來掛檻前松
夜集洗心臺賦得湖石別仲氏之清風

歲暮羣芳落寒庭怪石孤青州餘舊貢巫峽入新圖
秀色清罇擁連峰別意紆他時對玉笋宵憶此間無

送仲氏之清風任

時寓成陵赤城成陵別號

三世神仙尉茲行豈偶然江清官閣底沙白訟庭前
素舸通三郡丹丘別一天飛鳧不可及惆悵赤城邊

過楓溪遇城東諸友留飲

強起山中病來尋雨後春柳邊移酒榼花畔遇詩人
池晚看魚樂林晴聽鳥新不須催去騎門外便紅塵

重陽後諸友見訪

戊辰

晚來寒雨滿庭苔籬菊欺人不肯開過了重陽君始
至拒霜花下喚深杯

士敬乘月見訪示以詠早梅兩絕去後數日雪

月益皎如此中梅花亦已發矣遂賦二絕追

記前事且報梅發又詠新得水仙花一絕並

寄求和

霜月微生夜山梅欲放春開尊新酒綠勸醉詠花人

其二

簷雪明疎藥窓紗隱綠枝莫嗔開較晚應與月明期

其三

皎皎凌波襪天寒落我林山中愛花畔何可少清吟

贈士敬湖中之行

歲暮不自聊伏枕古梅樹佳朋夜相過問我何所苦
我亦無所苦愛花入膏肓因之討梅花知君適湖鄉
湖鄉風氣和百卉之所生我能數其名一一爲君評
茱萸最早花黃藥如散金幽蘭產海嶠真品竟誰尋

煌煌茄子花乃是古辛夷佳名誤俚諺世人罕能知
微芳恣竊藉真僞久相蒙桃花雖不言亦自媚春風
粲粲吐其碧灼灼含其紅夫何三色桃變態不可窮
菽苻特豐麗稱作花中王有赤如蒸霞有白如截肪
姚黃與魏紫洛人所夸尚吾東鮮嘉種好事頗惆悵
芍藥乃其相金絲獨冠羣躑躅自日東光艷燭海雲
五月石榴發花佳實亦好千顆時迸裂楚萍不足寶
別有千葉花有似莊姜羨徒有驚人色惜哉不結子
梔子種太陰有花皆六出其香乃沈麝其色卽冰雪
誰知青葉裏天寒復紅實月桂長春類佳者號四季

朱英紛無已霜雪焉能瘁紫微枝幹古花名百日紅
芙蓉菊爲友散芳霜露中青青冬栢亭碧海團春陰
名花識者少開落自古今梅花或紅白品類亦不一
綠萼世罕見古譜所稱述且如照水梅一一皆倒垂
盆梅貴天成不欲人巧施世俗重古槎往往假以爲
雕斲無不至但爲具眼嗤亭亭碧梧桐森森烏竹竿
竹竿比君子梧桐待鳳鸞毋以萬朶花易此一寸根
幽芳散野草細瑣不可數苟欲玩物情何妨合妍醜
君何揔搜括窮竒亦務備捲却內浦春輕舟送漢水
千葩與萬葉歷歷散我里逍遙詠其間不知老將至

與君同此樂此樂是我癖語罷君亦起微月映虛席

臘月十六夜盆梅一朶先開喜賦一律

夜靜梅花發參橫獨掩門苔查元自古冰蘂不須繁
暗馥爐添氣踈枝月近盆無人共清賞孤鶴唳中園

別仲氏還任清風

別酒青軒上勞歌綠水邊島潭春欲暮花落使君船

折玉洞紅梅挿瓶志感上仲氏已巳

玉洞梅花愁殺人開時風雨一何頻折來未報江南
信空復瓶中送一春

畫鳴兒扇仍題其上辛未

向晚蕉庭敞幽人倚石菴童子且休扇松風自作涼

看田到消夏灣

曳杖看田水北灣倦來因坐古松間清湍素礫消長日驟雨時過葛耳山

仙遊潭

秋思無聊一策輕白雲深處共兒行海松夾路金沙淨霞石臨潭錦樹明

暮向新坡

日暮人間路棲棲幾往還寧嘆百里遠直覺一身頑馬倦巢巖底風寒雙谷間前坡主人熟每覩叩門顏

其二

征道已蕭瑟况懷萬感端出來雲峽永歸望隴楸寒稠疊荒山晚飄零旅鴈酸偷生抵三歲徒腐寸心肝

宿薪坡

薪坡投宿處日落亂山齊隔嶼人烟暖荒林野雀棲風扉虎窺客霜櫪馬聽雞又欲凌晨去瓶中賴有携

曉行

悄悄馬出谷淒淒霜滿衣峽星三五在人語弟兄歸雞唱村猶靜雲移月轉輝光陵行未達屢軫僕夫饑

朝過崦嵫

墟落晨霜白田家飯犢時
峽禾黃尚滯隴麥翠新滋
草屋多相似炊煙各不遲
依依麥巖事於此更關思

馬上載盆梅

出郭寒梅歸峽人蕭疎不帶漢陽塵
相携一入白雲去從此仙庄永劫春

留別盆竹

蕭蕭匹馬入山時載得寒梅苦竹遺
欲試此君霜雪幹不妨留待歲寒移

曉發雙谷

曉月發雙谷天寒伴儷孤
主人還掩戶疲馬戀殘芻
今日潘生鬢平生阮籍途
短歌東嶺白數處起棲烏

悼松

生能獨青死無孽卓犖其如直
性何數抱蒼皮若可贖金高國望不爭多

其二

牢落乾坤萬事悲一株松樹失相依
提壺更向何枝掛獨立寒庭暮雪飛

其三

鐵本霜稜百抱強亭亭翠蓋倚茅堂
振衣岡北看偏

秀明月磯東影獨長直榦初非高棟願清陰舊覆一
牀涼龍顛虎倒幽人恨老杜遺歌可斷腸

九月二十八日

百里戀茲親高秋逢此辰光陰無喜懼人事只酸辛
已冷看雲眼猶殘舞彩身此心如寸草霜下轉懷春

其二

愛日秋山夕寒泉窮谷間長貽倚閭望未奉板輿閑
萱草寒無恙林鳥暮獨還遙憐少弟病堂上強怡顏

麥巖卽事

秋事已清野田家意自閑時來繞塲稼晚眺立荆關

井稅催寒杵樵歌隱暮山茅堂只隔水每踏石梁還

歇庵獨吟

桂磴秋陰晚雲門澗水悲愀然空谷裏坐對一梅時
丈室維摩病匡牀柱五癡悠悠天地暮懷抱復誰知

十月初二日山雪皎然若疊素累玉夕照尤奇

絕少女勸余賦詩輒成一絕因思唐人地疑

明月夜山似白雲朝之語尤服其妙

瓊臺晚起嶺玉樹曉生庭偶有梁園詠堪令道蘊聽

梁上燕有空巢雀來居之感而有賦

將雛一去渺難求草屋華堂處處秋留得空巢何日

返可憐羣雀任來投

道中望懸燈山

懸燈尊峽內迥出白雲傍勢近天一握雄瞻峰四方
秋鷹回縹緲野燒限青蒼杞梓千家貨菌芝數縣香
問源花峴近回首水簾長袞袞違幽賞征鞍悵夕陽

朝飯崦峴

鷓鴣生鵲翻向西馬帶晨霜頻渡溪山下柴扉賣白
酒一聽傾橐醉羣奚

豐壤道中遇微雪天寒馬遲

驛里寒烟聚 光陵古木平窮途頻雨雪短景半陰

晴酒媪留行客樵徒入暮城蒼山杳無際何況獨歸
程

新基望國望

倦馬歸雖緩柴門亦未賒暮雲東北岵荒野兩三家
澗水懸寒碓松林止晚鴉穉兒守巖戶定擬報梅花
歇庵次唐人韻

其二

野雪孤亭迥村烟兩岸分鷹巖懸落照國望傍寒雲

小市魚鹽得空齋鳥雀聞自能甘寂寞非是厭喧紛
冬至

地底孤陽回天垂細雨來積陰難遽盡暖律莫輕催
幽事觀梅萼春農占麥胎誰知窮谷裏終有未燃灰

夜宿白蓮堂

幽人既淹留雲蘿倏已暮蕭蕭白蓮宇四顧森松樹
泠泠石淥聞杳杳嶺雲駐夜深梵唄息諸天衆星吐
微月尚未落曖曖巖庭素境寂感易生觀空理微悟
始知塵界外自有清淨路焉得面蒼壁人間遂不顧
遊白蓮潭

霜旭上東嶺初照白蓮堂僧飯聊一飽緩步下石梁
泠泠古壁下炯炯寒潭光幽藤與糾葛終古垂其傍
愛茲愜孤賞不厭屢倘伴昔遊葉飛壑今來雪盈岡
巖淨綠蘚被澗寒蒼松長幽禽相叫嘯寒鼠時跳踉
誰謂境過清稍深興轉狂但求去人遠敢辭幽獨傷
此意誰與論臨風獨翱翔緬懷南澗客千載契幽腸

初七夜

萬木森初地翛然意自清妙香薈藹氣精舍白蓮名
衆竅踈鐘響諸天片月明願求空寂理端坐聽溪聲

下山

步出脩廊外泠泠澗水流曹溪真似夢善積更回頭
歸路寒潭映空林曉雪留白雲如送我飛出洞門幽

其二

來往何悠悠此身良已浮今朝虎溪別何日鹿車遊
回首暮鐘歇出門青嶂稠應同下山水斲向碧潭留

自白雲歸宿歇庵

茅庵蕭寺一空山謝寺歸庵意更閒澗戶唯聞清珮
響洞門長被白雲關時從童子問梅綻獨向虛亭眺
月彎默驗靜中存一氣不曾塵事累襟顏

追記山中事呈仲氏

逃空三日白雲裏幽興堪憐事事真說向野老誰解
聽題詩還竒山中人

其二

院院掩門松影閒西峯月小澗潺湲雪窓客借蒲團
卧松火僧看水碓還

其三

三更無燭酒頻斟行繞虛簷見畢叅隔院沙彌還不
睡梵音時出板房深

宿白月李子文江亭

主人曾相識虛亭投宿來滿庭江月素對案雪峯回

榻有看書燭壚留勸客杯獨眠雖寂寞猶勝剡溪迴

光陵途中遇公子遊獵

壬申

馳來鐵驄健如龍錦帶貂裘鬪北風忽向平原凝遠
眺角鷹盤處暮雲紅

楊根白鵝津

日暮南院前清江流渺然行人臨古渡遠帆上春川
岸石孤霞斷漁村素渚圓漂遊逢勝處客思轉淒憐

歸永平途中

日長風暖菜花齊雙樹村前聞午雞山中農事逢人
問雨過鷹巖已出犁

留木食谷遇苦暑少步籬外

永日守窮廬蓬蒿翳戶庭庚熱本難度况此愁寂并
向夕獨散策微涼在柴荆不謂塹塹間野水亦泠泠
日落稻氣碧雨收蟬聲清風既滿懷幽眺頗關情
藹藹榆柳陰數家門共扃農談互低仰依依隔籬聽
因思山中夕休鋤憇風亭佇立意未已桑麻夕露生
次日又步籬外納涼

杜郎初納涼愛向門桑憇至人尚如此况我志煩滯
兩日苦揮汗散髮聊泄泄柴門無襪襪獨聽林蜩噤
流目視田園桑麻互陰翳新月在東嶺清露滴我袂

野人不相識荷鋤各自逝獨立羣動外虛舟無所繫
願得乘輕颺冷然蛻濁世

呼韻與利兒同賦

久雨子桑宅蓬蒿仲蔚園飢來仍守靜暑至亦忘煩
萱脫紅將斂蕉新碧已翻案書隨手取無事讀茅軒

登泠泠亭俯瞰釣臺

小澗只數折琮琤常玉鳴昔人有愛此遺以釣臺名
潭幽魚不散石老楓猶青悠悠一百年而我復此亭
高風不可攀俛仰感孤情

秋水

秋水日清淺前溪幽事多留人飯素石曬網坐青莎
跡遠混樵牧門閑掛薜蘿時逢採山儷松菌近如何

度蜂窠嶺

寂寂秋山返照明亂藤橫路石泉鳴經霜朱果無人
摘繞崦黃禾幾戶耕

谷雲七曲明月溪

七曲平潭連淺灘月明多向此中看山空夜靜無人
度唯有長松倒影寒

河嶺

絕壑羣杉老刺天馬行終日度杉巔仙庄遠近無人

問時見青林燒作田

賞雪

山居忘歲暮飛雪忽已素
磊磊嶺雲層歷歷崖松露
林僧期不至獨坐聊燒芋

其二

林卧不知雪開户千嶂素
茫茫太始谷老杉埋幾樹
默坐擁鐵爐於焉歲云暮

挽汝楫妹婿李涉

皎皎秀眉目斯人誰比肩
陳平豈徒羨顏子竟無年
行路嗟埋玉良朋慟斷絃
完南遺澤斬喬木爲蕭然

其二

人事一如此嗚呼何可云
虞歌苧洞月宿草廣陵墳
故偶迎歸室高堂哭向雲
千秋短碑下誰識此埋君
不寐

抱病窮山百感并寒宵耿耿
夢頻驚空庭落月半松
樹卧聽前溪水碓聲

自遣

行年三十五今日知餓味
人言饑難忍嘗來殊不甯
一粥固自佳否且高卧耳
泠泠巖下泉佳名契妙理
單瓢時酌之一沃亦復止
冲虛舍道腴一氣何曾餒

所以陶先生嘯歌樂不改

自成陵往木洞出洞口阻漲少憇溪邊

癸酉

歇馬溪頭待水平林鳩穀穀哢新晴葱蘢岸樾楓人
濕寂歷沙花石竹明往事隨波無日返殘生似夢有
時驚疲來籍草還成睡誰信亭臺在洛城

往東庄見兒病冒雨歸成陵

傷心空屋已生塵深夜歸來雨滿身自喚女奴求酒
飲無人與脫濕衣巾

自成陵聞兒病冒雨向東庄記行

短僮濕如雞老馬牽似狗避雨具家村桑下聞麥白

其二

王灘喚津子夜水失却船撐來一漁艖還要十文錢

其三

黃犢在岸鳴其母還渡江舟中聞此事感我淚下雙

其四

百年賭一葉登岸還獨嗟田中兩夫婦收麥雙還家

其五

立傾囊中酒曠野殷其雷回看一陣雨又渡廣津來

其六

轉過 秦陵邊行行問樵客曾涉松溪來橋頭水幾

尺

其七

小橋水已平大橋牛馬簇急向蘆原時暴雨漲平陸

其八

飛電大如卵狂風一時作打破油帽裂頭上雨如瀑

其九

馬倒墜復騎欲涉還狐疑進退兩三回赤浪高片時

其十

前儷趕不及後村投何處盈盈隔岸林炊煙是吾墅

其十一

拚爲一木偶非復千金軀縱令墮河死何人怨篋篋

其十二

淋漓四十里竹笠半邊側到家開囊書幾卷一潑墨

東庄感懷

野笑時時過秋陰日日昏菊花休報信風樹自傷魂
暗壁時題句寒醪漸倒樽夜長應少睡不必早關門

其二

高風穫稻日喬木背城村偶對盈罇酒其如獨掩門
空林蟲已入暝樹雀猶喧始覺潘郎鬢逢秋雪易繁

其三

棲禽過已盡，獨自倚荆關。落木風初定，啣山日尚殘。
有田空負郭，無日更歸山。多少殘生感，空悲歲已闌。

獨卧

打稻人已散，空庭霜月白。誰憐七月樓，獨卧向寒壁。

送堂兄赴金化

甲戌

地僻年登吏事稀，海松千樹映官扉。時從一騎穿雲去，華岳峰前舞彩歸。

其二

養花時節蜜成銀，坐嘯高齋興不貧。門吏何妨時報客，九秋楓岳往來人。

子侄輩與趙卽文命遊水聲洞各賦絕句歸而

見示遂次其韻前此獨遊感懷情見于辭奴
跨壑紅亭復碧臺，笙歌百隊競傳杯。悠悠興廢今何似，冷月荒煙獨自來。

其二

少年三四去登臺，携得黃花酒數杯。盡日空齋愁獨卧，不堪霜鴈一聲來。

丙子夏病中感懷口占

久病無侍者，虛牖時獨臨。微雨濕葡萄，空庭下夕禽。
園林經十年，樹木亦成陰。朱櫻方結子，綠篠已盈尋。

回思經營日悽然獨傷心

丁丑春病起

清明猶未試春衣幾度踟躕始出籬
鞍着黃牛騎較穩杖携烏竹步猶歌
雲峰矗矗天光近村柳依依日影遲
始覺掩門多歲月鄰童指點問爲誰

其二

郊原處處叱牛聲谷雨初過布穀鳴
庭杏著花踈更好稍畦停水遠逾明
田僮已解修耜耒鄰老時來較雨晴
自謂萬緣都謝盡依然農圃又牽情

共叔氏遊曹溪

佳賞秋冬在碧山招呼鄰曲共乘閒
石梁未度神先悚曾見飛泉六月寒

次伯父寓栗北墓齋寄示韻

戊寅

花木周遭水曲通數年應有可觀功
辛勤一屋成仍廢萬事從今任化翁

閏月初六日夜坐

巳卯

百種草蟲聲唧唧半弦雲月影朧朧
此時獨坐蒲團上微雨乍晴庭院空

午寢

閒鑷霜毛三兩莖葡萄架下納風清
一床濃睡無人

老松齋集
三十一
喚手裏殘書落枕橫

其二

一寢悠然日已斜
起看微雨濕盆花
閒携竹杖池邊去
小圃無人長綠瓜

種蔬

兩豆花生初放鋤
旋收瓜蔓種秋蔬
農家此月稍閒暇
門逕蒿蓬猶未除

卽事

門前高樹晚蟬鳴
雨過新塘綠水平
小屋草深人語少
隔籬惟有織機聲

其二

霧罷平郊日已高
桑麻濯濯露如膏
小奴已解田家事
清曉驅牛向遠臯

偶吟

長夏荒郊見客稀
高齋獨坐雨霏霏
小庭掃得清如水
秋海棠開並紫微

夕望

松溪大路幾時橫
人去人來不暫停
落日倚窓聊送目
黃埃飛盡夕烟平

野望

老穉齋集
三十一
一帶遙村野樹平開窓長對不知名霜清葉落秋郊
曠每送晨雞第一聲

月串

燕尾亭前碧海深丹樓百尺映波心城頭老將閒無
事時引雕弓向水禽

贈金顯甫

克光
庚辰

此是長安負郭村君從何處到荆門篝燈一夜無窮
話別後秋風十二番

葱秀山

西來一路但荒山邂逅溪邊數疊巒老木帶霜紅旭

早寒崖閣溜碧苔頑烟霞變態空今古名利催人幾
往還歇馬店門惆悵久皇華遺蹟在巖間

次叔氏韻喜士敬來過

辛巳

屏騎出城郭便衣到野橋蓋傾林雨濕襟散火雲消
問圃青瓜熟觀魚碧藕搖看君意閒暇預想政聲遙
士敬又至留詩遂次其韻

漠漠東陂雨荷花無數開衡門方獨立五馬又能來
圃瓜登盤易溪魚舉網催離懷忽惆悵山際禁鴉迴
次鄰老韻

間雨霏微小檻東芙蓉千朵捲簾中蒲團木几清無

事時有鄰翁偶坐同

士敬將赴鴻山就別壺洞寓所

城郭何曾滯高齋為子留授壺永今夕祖席近新秋
遠岵山城碧鄰花木槿幽平生楓澗會於此更回頭

老稼齋集卷之一

老稼齋集卷之二目錄

詩

向抱川途中

二首
壬午

哭姪女墓

自抱川看山歸路過山
哭姪女李氏婦墓

訪族兄仲裕氏

盛後
求秋海棠
三首

謾次李生

暹韻
五首

又次李生

暹韻
五首

題放翁絕句壁上仍次其韻

二首

散襟軒次仲氏韻

次叔氏韻

三首

苦雨次叔氏韻

又次叔氏韻

偶吟

次壁上所題放翁韻二首

次放翁韻

次李季愚韻

次壁上所題大明人方山宜韻

寄鄰友二首

訪西隣李君次壁上韻

訪李君即事

士敬來訪同次放翁韻

閏月初八日夜雨止月出聞蟲聲不寐感懷

次樂天自笑營閒事詩

次樂天行年四十五詩

記即事又疊前韻

次樂天池上閒吟詩

大雨五首

左揆外兄同伯氏奉命東出歷臨弊庄

次放翁雜興詩二首

次放翁秋晚散步詩

雨中病卧謾次工部獨坐一首

次李生暹韻二首

士敬以池上感秋詩寄示遂次其韻

二十二日出東小門入城

思歸

五更吟五首

追次趙定而練光亭所示韻二首

謾次伯氏與宋兄道寶光涼獨樂亭酬唱韻三

次權生亨萬韻

次宋兄道寶寄伯氏韻贈其杆城赴任之行

暮還東庄二首

七夕

次朴生道基韻

雨中看山渡松溪歷蓼谷至蘆原上契而歸

七月初九日聘祖母忌日也病未叅祭感懷有

賦

將入城少坐夕涼亭

東庄即事謾賦五首

板橋

中塘

井槐

小庭

出莊門

飲犢橋二首

曲肱窩

出東小門

告春關

凌霄石一名石丈

空翠壇

觀儵梁

翳如門

釋耒亭

還讀齋

散襟軒

七月樓

楚楚軒

洗鋤臺

夕涼亭

老稼齋二首

帶月筵

植杖堤

場二首

圃

荻藩

一池

三池

笕

小島

圓洲

洗鋤小池

井

碓

木几

山杏

丹楓

松

合歡

野椒

櫟

碧梧

桑二首

白榆

黃榆

樅

檜

圓栢

側栢

杉

栗

銀杏

海松

檉

杞

桐

蒜

韭

楮

葱二首

水晶葱俗名紫葱

葫葱俗名唐葱

茄

芋

菠薐俗名時根菜

蒿苳

菘

芥

甘露子二首

蔓菁

蘿菔

薑

番椒

瓠

芹

瓜二首

葵

錢菜

蓴

茼蒿俗名蒿芥

冬瓜

南瓜南瓜見王頊農書

槐

芭蕉

地黄

香薷一名蜜
蜂草

紫蘓

荊芥

芎藭

薄荷

澤瀉

苦蕒

白苦蕒

蓼

蘆

菖蒲

竹

白竹

山藥

山茱萸

蓮

山茶花

千葉石榴

安石榴

蘭花

水仙花

野薔薇

老稼齋集卷之二目錄

老稼齋集卷之二

詩

向抱川道中 壬午

此路平生走幾巡今來恍似夢中身依依二十年前
事欲話同行無舊人

其二

曾隨伯氏向蓬山初出都門宿此間喜甚月明無夢
寐夜深相與步荆關

哭姪女墓

自抱川看山歸路過山
谷哭姪女李氏婦墓

荒山東北木千童嗟汝孤墳在此岡雪滿不曾人迹

到春國只有鳥號長光陰忽忽三年及泉路茫茫萬
里強病我此來知不易穉應衰淚盡沾裳

訪族兄仲裕氏盛後求秋海棠

卯酒醒來尚掩關有官看似却無官騎驢病弟來何
意秋海棠花欲借看

其二

青瓜欲老綠秧移冒雨還家不可遲過此却成消半
日看花看竹又看詩

其三

庭中拳石斲成巒影落盆池咫尺間頗似石梁亭上

坐林間隱約見三山

謾次李生暹韻

十里青郊小隴回清流繞舍樹深栽麥輸場上黃梅
過秧插籬前白鷺來

再疊

瓜棚荷檻水縈回榆柳深深繞岸栽散髮獨行還獨
坐夕陽空翠遠山來

三疊

漑稻泉長繞圃回緣渠柳密護堤栽夕涼亭畔凌霄
石翠鳥掠魚頻去來

老蘇齋集

看水田僮晚未回自移籬菊雨中栽柴門濺濺新流
至無數魚兒上筧來

四疊

五疊

雨過林鳩喚婦回家家刈麥晚秧栽休言瓜價今年
賤猶見鱒魚入饌來

又次李生暹韻

自愛荷亭往復來踏成池畔地無苔今朝却讓君先
至端見新花第一開

再疊

畏客來時喜雨來不妨門徑長青苔可憐事事成踈
懶唯聽農談耳暫開

三疊

作此池塘幾歲來凌霄石上欲生苔心閑不歎身多
病已見紅蓮五度開

四疊

空翠壇邊活水來松風盡日掃蒼苔時時杖策緣流
往沙白峰青眼自開

五疊

風透疎簾荷氣來遙山雨濕碧如苔寥寥庭院晝常

靜坐見芭蕉卷又開

題放翁絕句壁上仍次其韻

田家六月食青瓜水滿陂塘有藕花明日流頭鋤社
醉不知巡酒出誰家

再疊

屋上有甓場有瓜還餘隙地種閑花世人亦似知吾
事喚作東郊老圃家

散襟軒次仲氏韻

散襟扁額碧梧傍何幸衰傭有此堂城市稀過冠服
拙村鄰狎坐笑談長簾常垂地羣書閣麥已登場晚

飯香無限綠陰三夏過流鶯滿耳卧匡牀

次叔氏韻

庭前一水引來竒度塹穿沙遠更滋瓜地百年休抱
甕稻田三畝捨爲池深深柳岸沿洄路潑潑梁魚上
下時欲問真源何處是華山去去白雲隨

再疊

田家何處擅幽竒滿地桑麻綠漸滋雨後濃陰添柳
巷風前小葉展蓴池亭中釋耒閑來處梁上觀魚獨
立時寂寞千秋誰似我東陵瓜老擬肩隨

三疊

真成老圃事堪奇
畦菜籬瓜種輒滋
散髮畏逢騎馬
客捐金喜得養魚池
縑絲聲裏消長日
釀麥缸邊醉
斲時最是柴門堪
畫處夕陽牛返小
驢隨

苦雨次叔氏韻

苦雨休還作滂沱
到夜中野雲屯屋
後陂樹亞籬東
紅藕愁添水青蕉
恨惡風三峰應自
在何日出晴空

又次叔氏韻

好惡吾安適田園
十畝中村鄰無薄
厚門逕有西東
瓜種卻平地桑留
杜五風看看生白
髮世事轉成空
偶吟

時物雨中變年光
已半過燕巢黃口
去蓮沼綠房多
晝懶惟高枕朝飢
且浩歌有驢騎處
少常遣放前坡
次壁上所題放翁韻

曠野虹明夕高齋
雨過初荷熏八尺
簟林潤一牀書
草草飯克腹蓬蓬
髮懶梳柴門牛已
返不寢復何如
其二

坦腹枕羣書充腸
摘晚蔬籬晴見蕉
展池午覺蓮踈
觀化聊隨物投閑
非遂初依依百年
內能不愛吾廬
次放翁韻

隔籬鋤伴喚西家
共向東菑雨脚斜
歸到柴門松火

照夜深還數摘來瓜

次李季愚韻

富貴榮名非不知此身其奈已過時自憐稼老仍題
榜人笑家貧但鑿池蓮葉東西魚潑潑稻田南北鷺
遲遲白雲山下平生友來寄新詩也復宜

次壁上所題大明人方山宜韻

晚來蒸暑極枕席水亭開久雨紅蓮損新晴翠鳥來
客因無馬滯奴告賣瓜迴不向鋤臺久呼兒視綠苔
寄鄰友

晚從農圃學閑居敢道高情與世踈種樹頗傳郭駝

法養魚聊試計然書體羸未害行田塹齒缺猶堪咬
野蔬惆悵少時豪侈事池臺宿習尚難除

再疊

東西籬落結鄰居齒髮相懸契未踈每向田頭齊植
杖時從窓下對繙書有無物許通牛馬甘少情看贈
菜蔬更喜池荷同爛熳往來蓬徑急須除

訪西隣李君次壁上韻

桑麻陰濃兩歷村數家雞犬不聞喧門前有客看蓮
子堦上無人長竹孫

訪李君卽事

老穉齋集
鄰翁高卧處繞屋樹扶踈草熟羊歸棧畦晴藥待鋤
階除生綠竹門巷落紅蕖向夕厨烟起家人報煮魚

士敬來訪同次放翁韻

君騎尚五馬我居仍一堂重逢轉喜倒往事各悲涼
流水三年響新荷前日香還須記今夕微月照匡牀

閏月初八日夜雨止月出聞蟲聲不寐感懷

寂寂宵應久高齋卧悄然暗蟲秋八閏新月雨侵弦
有子常同病無妻屢獨眠論詩懷我侄今夜隔重泉

次樂天自笑營閑事詩

自笑營閑事履穿笠又斜買盆移竹笋就石剪蒲芽

去蘆松還翠決陂藕續花乍逢晴景好還欲曬陳茶

次樂天行年四十五詩

行年四十五萬事信蒼蒼爲圃堪稱老行歌或似狂
不嫌窮有鬼曾愛醉爲鄉展盡生平學桑麻繞一堂
記卽事又疊前韻

頗怪能輕暑誰知衣布踈婢忙夜炊麥奴瘦日持鋤
蟬聒四鄰樹花平一畝蕩吾衰亦甚矣漸畏飯無魚

次樂天池上閑吟詩

天公立意要平等不足還須見有餘駟馬高車無我
分清泉茂樹讓誰居翩翩未夕歸林鳥戢戢終年在

沿魚得失乘除應似此惟吾取舍顧何如

大雨

平明大水至四鄰起啾啾開門試一望松橋細如鉤
借問頭白翁曾見此水不

其二

可惜門前稻再耨如人長沈沒在俄頃白波可盪漿
飛燕何所喜羣來舞其上

其三

上塘水汨汨下塘水浼浼洋洋滿池魚不去將誰待
恨不具小舟相隨出滄海

其四

水來見赤浪水去見白沙青苗無消息田父獨還家
還家登高原回望更咨嗟

其五

稍稍水漸落日虹明遙岑青青波底稻始如秧生鉞
飛來白鷺鷺欲下疑猶深

左揆外兄同伯氏奉命東出歷臨弊庄

野服迎驕導青林駟馬鳴台躔照墟落棣萼萃柴荆
久識東山興多慚第五名聯翩冠蓋盛真率笑談傾
坐席隨花改行厨拂柳呈杯盤沾野老魚鳥緩公程

濯熱輕軒冕詢農及雨晴家貧少供給但有水亭清

次放翁雜興詩

兀兀嬾營家門藩漸倒斜敗鞵充坐席舊勃代烹茶
場麥難成飯籬葩漫吐花弭旬愁屋漏誰免鬢添華

其二

書生輕富貴可復歎酸寒舊茅猶華屋故人多達官
學知爲稼切老恨愛花闌謾記丘園興吟詩未覺難

次放翁秋晚散步詩

鋤訖家家稻蔓收處處瓜田僮衣未澣鄰老髮皆華
悶雨堤頻壞礙桑徑漸斜村兒常聚戲溪上有閑沙

雨中病卧漫次工部獨坐一首

竟日雨冥冥喬木四面青鄰牛歸小徑水鳥到閑庭
場濕蛾生麥陂深柳化萍寥寥子桑曲何必遣人聽

次李生暹韻

門前三耨稻高低穀穀豆雞當午噉水滿方塘人不
到魚兒多聚綠荷西

其二

數畝清陰貯小園官教庚熱到樅村主人只管常高
枕門外紅蓮雨打翻

士敬以池上感秋詩寄示遂次其韻

老和齋集
九
相思感物候昨夜有微涼澗水憑虛閣林蟬立暮塘
行藏身共老存沒恨俱長回首三池月應留宿我床

二十二日由東小門入城

峰秀川明十里間小驪委轡意愈閑此行不似來城
市疑是山陰道上還

思歸

入城始三日思歸已兩夜思歸歸何處城東有田舍
藹藹園中桑離離場上稼籬落相映帶陂池互輸瀉
地僻懶巾櫛人事多辭謝曳杖流水傍散髮高柳下
自我有此居奄經四五夏花竹生隙地農圃有餘暇

野老或相過不送亦不迂晝寢未嘗廢散帙常枕藉
村詩語多真信筆少扮假如何城市事與此多相差
百爲皆勉強襤襪最所怕身心苟不適莫言處廣厦
多謝城中人勿復挽余駕

五更吟

初更卧無睡思我散襟軒碧梧齊尾簷紅蓮映荻藩
散帙未及收應爲風雨翻不知此來後有誰扣我門

其二

二更思耿耿思我夕涼亭池月上遲遲篔水來泠泠
來時未開花今日應已零我兒且靜坐垂簾詠詩經

其三

三更尚展轉思我釋耒亭白沙爲我床綠野爲我庭
一丘未可小三峰入雲青千秋晦翁詩真爲我亭銘

其四

四更聞雨聲思我洗鋤臺臺上老松樹不知何年栽
臺下清泠水乃從三角來蒼然一片石使我每忘迴

其五

五更雞逐鳴思我還讀齋野藤蔓爲籬海松生當堦
綠陰四面合幽鳥常啾啾茅茨方就治歎詠已契懷
追次趙定而練光亭所示韻

故人官况亦清竒日對床書餘不知惟有教坊明月
夜新翻皆唱使君詞

其二

飛簷映作一江霞表裏湖山見萬家石出城臨河伯
窟波搖人坐斗牛槎笙歌從古喧都會文物平時闕
使華獨倚危欄無限意夕陽釣汲謾相誇

謾次伯氏與宋兄道實

光凍

獨樂亭酬唱韻

入郭何曾十日期忽聞秋草滿柴扉蓮房已黑知誰
摘蘿菘將耕待我歸

其二

崖列蒼然亭半欹誰知獨樂使人悲可憐杖屨道遙地惟有溪聲似昔時

其三

一壑烟霞蘊雙溪水石開平生讀書處今日訪友來老樹曾移榻孤亭憶暖杯眼前今古意蕭瑟晚蟬催

次權生亨萬韻

客去門還靜鳩鳴雨亦晴池華湛水木世事遠簪纓晚飯園蔬潔新衣葛布清逍遙未可廢小圃夕陽明次宋兄道實寄伯氏韻贈其杆城赴任之行海邑皆仙境君行興更加魚腴海牛肚飯白稻獐牙

蕭灑官庭甲婢娟女髻了卧治清福備便腹嬾朝衙

暮還東庄

出城頻渡水渺渺見歸鳥一路沙如雪三峰雲似圖人家隔林少樵牧下山孤望望吾村口炊烟亦欲無

其二

落日東庄路驢兒已自知穿烟萬井熱出郭數峰奇誰謂衡扉遠還憐暝色遲入門新竹在失喜問移時

七夕

四時適相代素秋良可愛金風扇微涼殘暑不復在牽牛與織女萬古末相對冥會在此夕雲雨常變隸

今年適清明河漢無滓穢曝衣與乞巧古事今則廢
高齋坐對月碧梧在庭內一葉雖未落蕭疎非舊態
對此獨無酒俛仰增求嘅

次朴生道基韻

秋日蕭蕭水近堂藕花搖落有餘香居然添得江湖
意紅蓼花前鷺睡長

雨中看山渡松溪歷蓼谷至蘆原上契而歸

只謂秋山近誰知盡日行垂垂早稻熟往往古碑橫
遇雨衣初濕穿林路却平回看翠崖好駐馬問村名
七月初九日聘祖母忌日也病未叅祭感懷有

賦

三十年前爲客驕門闌喜氣幾晨宵可憐往事皆成
夢夢裏還尋水閣橋

將入城少坐夕涼亭

騎驢將入城長歎坐小亭蕭蕭碧蘆中落日滿閑庭
東庄卽事謾賦

其二

徘徊兩池間回看告春關芭蕉出籬上綠葉高且閑
綠渠白沙明是向鋤臺路三頁往來稀流鶯獨滿樹

其三

園中不見人獨立看西山歸時傍小圃落日照桑間
其四

下堂曳木屐欲看稻田去却逢南鄰翁共立草間語
其五

飯後更携杖踟躕向何處昨看籬邊瓜今日長幾許
板橋

橫跨第二池板橋可三丈楊柳兩畔垂搖曳綠波上
中塘

初作中塘時端擬種魚兒誰知又生蓮綠葉已半池
井槐

菀彼井上槐移時僅盈尋可憐未廿年團團半畝陰

小庭

清流入廣庭曲折隨所致幽人倚杖看滿池流杯意

出莊門

一門共四鄰巍然跨水立朝見負耜出暮見驅牛入

飲犢橋

黃犢放遠草日西自歸來來到石橋上清流飲一回

其二

當門石橋平清流滿小溝耕者暮始歸於焉飲其牛

曲肱窩

小窩亦有名曲肱卧其中無人問此樂旭日照窓東
出東小門

秋山帶墟落處處夕陽明野老獨看圃樵歌爭入城
松晴崖氣秀沙白水流平久滯塵喧裏歸來意若驚

告春關

閑簷鳥雀噪日出猶高眠農人來扣扃勸我視春田

凌霄石

一名石丈

幾年卧空谷爲我立庭前屹然巨人狀蘇衣被半肩
空翠壇

洗鋤落日時松下每躊躇清新兩三峰欲畫恐不如

觀儵梁

觀魚坐石梁水清不見魚支願望道峰白雲方卷舒

翳如門

小局通幽處蓬蒿故不除幽人自出入且可名翳如
釋耒亭

釋耒向何處虛亭橫竹欄西峰霽後雲奇絕共誰看
還讀齋

老農看田歸怡然偃小廬有時綠陰中鄰人聞讀書
散襟軒

高軒置一椅野色簾前滿雖無斗酒事煩襟自蕭散

七月樓

小樓新起時已名為七月誰知二十年此意猶未歇

楚楚軒

庭前似蓋松定是古人栽不知經幾歲還見我軒開

洗鋤臺

蒼松老猶在流水來不息長歌洗鋤歸百年聊自適

夕涼亭

散髮水亭涼芙蓉夕露生多謝孟浩然先獲此夜情

老稼齋

為稼不知老高齋卧兀如眼看驅雀兒今年已把犁

其二

學稼須學拙此道老始知思欲著一書丁寧遺我兒

帶月逕

微逕在稍隴月出鉏者歸幽人池上立相見兩依依

植杖堤

遠田水雞鳴近田鉏歌遲堤上倚杖人不知紅日移

塲

秋草既已除我塲亦清曠籬菊未可無數蓂自踈放

其二

田家秋夜長乘月納塲稼鄰翁共來看釃酒茅檐下

圃

小圃柴門內綺錯備眾菜採擷接春冬幽居焉可廢

荻藩

庭植既整列荻藩須映帶故作踈踈編芙蓉在其外

一池

莫信芙蓉花偏向汙泥生看我第一池荷盛水逾清

三池

下塘水益濶夕波添淼漫客來思扁舟居然若雪觀

篔

短篔承遠流淙淙向池瀉夕響到我枕時疑風雨夜

小島

緩步度板橋小島亦葱蒨回看夕涼亭盈盈浮水面

圓洲

四面八尋池中有一圓洲邂逅先天象森羅在我眸

洗鋤小池

石梁俯小池楓陰水常靜儵魚戲從容故觸丹書影

井

澹澹槐陰井清露垂素縷野婢最晨汲常見虛星影

碓

門前有小碓鄰家共來踏夜久霜月明村狔響相答

木几

野人倚木几不知何山根竅穴似誰鑿彷彿口鼻存

山杏

山杏花類杏不枉得此名子隨夏櫻熟葉亂霜楓明

丹楓

楓樹老生癭楓葉善搖風見此殊不爾還憐顏色同

松

空翠壇邊列楚楚軒前植羣特各殊姿遲暮還同色

合歡

翠葉既巧合紅英亦異製刻雕其至此三歎化翁細

野椒

野椒生籬落有實亦芬馨入菹助脆爽恨不著食經

櫟

老櫟不知歲閑園多自生下有散髮人舉世忘其名

碧梧

碧梧生前堦三年與簷齊鳳凰雖不至終非野雀栖

桑

郊桑隨地在高下鷓鴣啼提筐出四村綠陰漸成蹊

其二

五月蠶上簇持斧落冗枝縑車方索索新葉復離離

白榆

有樹生屋後能使百鬼恐如何無數錢未作通神用

黃榆

園榆百年物鬱為吾村望童童池上陰一樹又新長

樅

樅樹何蒼然俗名亦自佳老農深有取持以榜新齋

檜

移檜植池中深蟠蒼石在正如管幼安皂帽隱北海

圓栢

圓栢亦類檜惟直為少別世人取其心充作紫檀蕪

側柏

側柏葉甚香服之可得仙或云稟金氣字義亦似然

杉

杉木有數種大抵皆竦上看取江令頌氣象自可想

栗

東門地宜栗千林自相連秋實落滿樹拾來大如拳

銀杏

亭亭老銀杏惜哉無其偶獨立知幾歲清陰還不朽

海松

園中五株松翠色殊森然此皆手所種食實已三年

檉

古稱能傲雪今見但如霧折挿珊瑚枝一一舒翠縷

杞

靈根種得地小院雙松前柴門少來客蒼狗應穩眠

桐

庭前一樹桐是我不斷琴微風自成韻何處求知音

蒜

種蒜如養兵會有一日須氣味雖辛臭功亦不可誣

韭

韭也剪還生貧厨仰朝夕二十七鮭菜稱茲自古昔

楮

野人雖不學亦知書為貴種楮要廣書何惜數畝費

葱

春盤眼忽明新葱已抽簪世尊雖有戒此口何可禁

其二

種葱世擅利一官何足羨勸子急歸肆老呂頗有見

水晶葱

俗名紫葱

有號水晶葱葱葉而蒜根此物爽人口可同葷臭論

葫葱

俗名唐葱

葫葱類水晶氣味較辛烈緩猛各有宜未可定優劣

茄

茄子無果蔬其味或遜瓜有花必結實多爾少虛夸

芋

農圃非二致得失互相資區種既有法寧復憂歲飢

菠薐俗名時根菜

菠薐傳數名其始出波羅我國有俗稱恐是赤根訛

蒿苳

蒿苳喜土肥下種春雨宜此物登我盤細葱必相隨

菘

一本大如股其種來燕市濯濯青玉莖經齒忽無滓

芥

春臺莫盡折作醬要老子留客膾溪魚舉筋還須此

甘露子

滴滴甘露子顆顆看透明園丁未曾識道是水晶罌

其二

老圃白露後斲得暗珠貫旁觀小兒喜取作掌上玩

蔓菁

蔓菁我所重傳是諸葛菜寂寞祈山壘殘根幾處在

蘿菔

蘿菔羨而賤奢儉同所須寒菹隨分淹不用傳冰壺

薑

種薑數席間適可供不輟莫愁秋雨多占地自高潔

番椒

居夷未足陋氣味親薑桂幸為野人嘗終遠神農世

瓠

引蔓補陳籬采葉付中厨何愁五石大但當食農夫

芥

野芥亦可茹青青獨媚我玉盤羅八珍欲獻知不可

瓜

種瓜十餘畝千戶不足道此事誰真知古有東陵老

其二

我瓜青如玉渾身生寒粟餉與城中人熱腸庶可沃

葵

青青露下葵折來旋烹之願分食肉人此味須少知

錢葵

錢葵有小花亦能明我圃見日不鮮傾楚楚浥野露

蓴

江湖不可徃移蓴就我池銀絲左右流何煩千里思

苘蒿俗名苘芥

有菜不知名小花如菊黃苘蒿載本草顧我考未詳

冬瓜

冬瓜老生霜為物大可玩蜜截可經久酒觸易成爛

南瓜

南瓜見王禎農書

南瓜色黃綠琥珀俗名是經霜留至春農書曾見記

槐

槐生我圃間南枝陰最繁十年夢其下何曾見朱門

芭蕉

芭蕉亦壯哉其葉大如箔歲久忽生花倒垂碧蓮萼

地黃

地黃能輕身服之應無厭馬食照地光殊功斯可驗

香薷

一名蜜蜂草

香薷治暑藥亦可備蔬茹秋來紫穗繁蜜蜂繞不去

紫蘇

蘇葉貴通紫其子可作粥最有止嗽功老圃所宜畜

荊芥

荊芥氣辛芳恐亦諸蘇屬服此忌諸魚可考輟耕錄

芎藭

芎藭即江蘿蘼蕪亦一名花葉總芬芳秋蘭合羅生

薄荷

薄荷歲再刈蔓延已占地其氣似龍腦其性使猫醉

澤瀉

我池清如鏡三年自生蕒此理何足疑絕壁苔蘚綠

苦蕒

園中有苦蕒其味淡而嘉何以知其苗六月有碧花

白苦蕒

苦蕒有碧花白者稱仙藥大抵味淡古其功能利膈

蓼

薺甘在野田蓼苦盈我筐取捨似有乖時宜或如許

蘆

碧蘆何脩脩緣渠復滿岸虛亭來獨坐每想秋聲館

菖蒲

採彼九節根種此一拳峰清泉日浸灌歲久成蒼龍

竹

猗猗碧琅玕看看欲成斑雖未拂雲長即此已可觀

白竹

瞻彼數竿竹其色綠且瑩何時布清陰覆我東齋逕

山藥

山藥大如臂入地深數尺何以知其處宿蔓在藜薄

山茱萸

金粟花簇簇珊瑚實纍纍試將本草考還訝有同異

蓮

一代名花盡歛望亭亭身在水中央天然秀色無雕飾風外常傳冉冉香

山茶花

由來冬柏是山茶官粉捻紅揔一家誰知品類還無數更有滇南碗大花

千葉石榴

海榴光艷儘堪誇陸續三旬吐火葩千百顆中無一結世間難得不虛花

安石榴

五月園林盡綠陰石榴花發直千金莫嫌寒萼紛紛墜却有珠胎結得深

蘭花

猗猗綠葉互交加一幹仍開四五花偶得古名非添竊還嫌九畹少奇葩

水仙花

銀臺金盞絕纖瑕東土何曾見此花燕市購來不論直稼翁好事亦堪誇

野薔薇

每年墜雪紛紛馥郁清香遠近聞自落自開誰復

賞田家只用候耕耘

老稼齋集卷之二

